

EW·NAMOPUNG

A ekkesiwini Tetten 52 non Sopun 3, Itenap 15 me non ewe Pukenapen Annukun Chuuk, ren an epwe awora emon chon ewe Committee won Health, Education and Welfare non ewe Legislature-un ewe Muun Chuuk an epwe chooni ewe Scholarship Board, a pwan awora napanapen katoun chon ewe Board, awora ukukun quorum, me pwan ren-ekkochoch popun.

Epwe Pung me ren ewe Legislature-un ewe Muun Chuuk.

Tetten 1. Ekkesiwini. Tetten 52 me non Sopun 3, Itenap 15 me non ewe Pukenapen Annukun Chuuk, iei a ekkesiwin ngeni ei ititin:

"Tetten 52. Scholarship Board.

1) Forutaan. Iei a foruta ewe Truk State Scholarship Board, ewe epwe wisen fini iokewe mei tufichin nounou ewe monien Scholarship fan pungun ei annuk, pwan aani me fori ekkochoch angang me pochokun usun a affat me ren ei annuk.

2) Choon. Ewe Scholarship Board epwe nimmon chon, repwe finita non ei napanap:

(a) Ruomon repwe finita me ren ewe Kepina, fiti kapungunon me ren ewe Legislature, ika ew committee mei finita fan iten ena popun; pwan

(b) Unumon repwe finita me ren ewe Speaker emon me neir epwe emon chon ewe Committee won Health, Education and Welfare non ewe Legislature-un ewe Muun Chuuk.

3) Nangatamen Wiis. Nangatamen wiis ren chon ewe Scholarship Board epwe ukukun unungat ier; nge ren neeni mei poon epwe ammasou ren metewe ukukun fansoun wis esemwo much, non chok pwan napanapen finin chon ewe Board me nepoputan.

4) Toou.

(a) Chon ewe Board mei tongeni tou seni ewe Board pokiten nipwakingaw non wisan, ese fori pungun me angangen wisan, me fofforungaw non ofes, fan pungun tipeewin ukukun unungat-ne-ruwanuwen chon ewe Board non ar uttut.

(b) Ewe Kepina me ewe Speaker mei pwan tongeni atou chon ewe Board ir mei finireta ren nipwakingaw non wiis,

tunano ika ese fori pungun me angangen wiis me pwan foffor-
ungaw non ofes.


5) Nouwiis. Ewe Board epwe pusin finata, seni pusin nein
chon kewe, noun Chairman, Vice-Chairman me Seketeri non an aewin
mwiich. Ewe Chairman epwe wisen nennemeni mwiichen ewe Board,
nge ika ir me ruomon rese nomw, ewe Seketeri epwe wisen nemeni.

6) Quorum me Mwiich. Ukukun chon ewe Board repwe nomw ren
an epwe tongeni fis mwiichenap me mwiich atapwanapwan me angan-
en ewe Board epwe unumon. Mwiichenap me Mwich Atapwanapwan epwe
kokko me ren ewe Chairman won pusin an mwokut, ika inet atun me
fansoun ika neni epwe fiti tipeewin napengeni monun ika majority-
in chon ewe Board non ar uttut.


7) Rekotun Mwiich. Ewe Seketeri epwe wisen tumunu me isoni
meinisn minichin me porausen mwich meinisn me pwan angangen
ewe Board, ekkena rekot ika minich epwe pwan mon-neta an ion
aramas mei mochen katon epwe katon, fan mumuta me ren ewe
Kepina ika Speaker."

Tetten 2. Poputan Pochokunan. Ei Namopung epwe poputa pochoku-
nan fansoun kapungunon me ren ewe Kepina, ika fansoun an a pusin chok wi-
niti annuk won winikapan.

Sain seni:


Simeon Innocenti, Speaker
Truk State Legislature


Annetata:


Datasi Albert
Legislative Chief Clerk
Truk State Legislature

Pwinin maram:

June 18, 1984

A Kapunguno seni:


Erhart Aten, Governor
Truk State Government

Pwinin maram:

June 28, 1984